

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 I 120155 24 I
Bugojno, 4.12.2025. godine

Općinski sud u Bugojnu, sudija Ivan Sokanović, u izvršnom postupku tražioca izvršenja UniCredit Bank d.d. Mostar, Kardinala Stepinca b.b., Mostar, zastupano po predsjedniku uprave Amini Mahmutović i članu uprave Željki Zubčević te punomoćniku Nikici Bubalu, advokatu iz Mostara, protiv izvršenika Ešrefa Puriševića, sin Sabahudina, Kopčić b.b., Bugojno i Aide Purišević, kći Faika, Derviš efendije Korkuta 52A, Travnik, radi izvršenja na nepokretnosti, v.sp. 25.293,17 KM, 4.12.2025. godine je donio slijedeći

Z A K L J U Č A K
o prodaji nepokretnosti

1. Određuje se treća prodaja usmenim javnim nadmetanjem nepokretnosti izvršenika označene kao broj parcele 330/17, upisane u zemljišnoknjižni uložak broj 237, k.o. SP Kopčić.
2. Vrijednost nekretnine iz tačke 1. je utvrđena nalazom sudskog vještaka Irfana Vugdalića od 20.7.2025. godine u iznosu od 42.700,00 KM.
3. Na trećem ročištu za prodaju usmenim javnim nadmetanjem nekretnina se može prodati bez ograničenja najniže cijene u odnosu na utvrđenu vrijednost iz tačke 2. ovog zaključka.
4. Na ročištu za javno nadmetanje kao kupci mogu učestvovati lica koja su do početka nadmetanja položila osiguranje koje iznosi 1/10 utvrđene vrijednosti nekretnine, a najviše 10.000,00 KM. Prije početka nadmetanja ova lica su dužna sudu predati dokaz da su osiguranje platili na depozitni račun suda broj 1011300000295629. Ponuđačima čija ponuda nije prihvaćena, osim za tri najbolja ponuđača, vratiće se osiguranje odmah nakon zaključenja javnog nadmetanja. Ročište za javno nadmetanje održaće i kad prisustvuje samo jedan ponuđač.
5. Ponuđač sa najvišom ponudom na ročištu plaća ukupnu prodajnu cijenu umanjenu za položeno osiguranje polaganjem cijene sudu u roku od 30 dana. Ukoliko ponuđač sa najvećom ponudom ne deponuje prodajnu cijenu u ovom roku, sud će zaključkom proglasiti prodaju tom ponuđaču nevaljanom i novim zaključkom odrediti da je nepokretnost prodana drugom po redu ponuđaču koji treba da u roku od 30 dana od dana prijema ovog zaključka sudu deponuje prodajnu cijenu. Ukoliko drugi ponuđač ne položi cijenu u predviđenom roku sud primjenjuje ova pravila i na trećeg ponuđača. U slučaju da sva tri ponuđača sa najvišom ponudom ne ispune svoje obaveze plaćanja prodajne cijene u određenim rokovima, sud će oglasiti da drugo ročište nije uspjelo i zakazati novo ročište.

6. Kupac preuzima stvarne terete na ovoj nekretnini.
7. Troškovi poreza i takse u vezi sa prodajom nekretnine plaća kupac.
8. **Ročište za prodaju nekretnina će se održati 3.3.2026. godine u 12:00 sati, u zgradi Općinskog suda u Bugojnu, ured broj 15, na koje se pozivaju tražilac izvršenja, izvršenici, zainteresovana lica kao kupci te Kantonalni porezni ured Novi Travnik.**
9. Ovaj zaključak će se objaviti na oglasnoj tabli suda, a stranka može o svom trošku zaključak objaviti i u sredstvima javnog informisanja.

Sudija
Ivan Sokanović

Pouka o pravnom lijeku:
protiv ovog zaključka nije dopušten pravni lijek.